



欽定四庫全書

武

1 4
460
2



4 4

爾雅圖贊敘
長沙葉氏
卽園臧板

爾雅圖贊敘

郭璞爾雅注五卷音二卷圖十卷圖贊二卷今本注三卷
又有宋板圖六卷不署名氏疑卽郭璞誤而音見經典釋
文略備或引作音義只是一書唯圖贊久亾余蕭客古經
解鈎沈邵晉涵爾雅正義僅徵數事張溥百三家集蒐獲
頗多與山海經雜廁絕不區分今從藝文類聚初學記太
平御覽鈔出四十八首皆注明出處依爾雅正文先後編
次之凡釋器四首釋天二首釋地四首釋山一首釋水一
首釋艸八首釋木四首釋蟲六首釋魚五首釋鳥三首釋
獸八首釋畜二首定著一卷郭璞博洽工文覃精術數以
不埒王敦謀逆殺身成仁其爲贊也窮物之形盡物之性

萬世

藝文類聚五十八
初學記二十一

珪

玉作五瑞辨章有國君子鳴佩亦以表德永觀厥祭時唯

文則

藝文類聚
八十三

釋天弟八

星

茫茫地理粲粲天文四靈垂象萬類羣分眇觀六沚咎徵

惟君

藝文類聚
一

祭天地

祭地肆瘞郊天致禋氣升太一精淪九泉至敬不文明德

惟鮮

藝文類聚
初學記一

釋地弟九

比目魚

比目之鱗別號王餘雖有二片其實一魚協不能密離不

為疏

藝文類聚
九十九

比翼鳥

鳥有鷦鷯似鳧青赤雖云一質形同體隔延頸離鳴翻能

合翮

同上

比肩獸

蟹與𧈧虛乍兔乍鼠長短相濟彼我俱聚有若自然同兀

共膺

同上

枳首蛇

一曰首少不賦無足不覺有蛇首天怒飛異

夔稱一足蛇則二首少不知無多不覺有雖資天然無異

駢拇藝文類聚九十六

釋山弟十一

太室山

嵩為嶽宗鬱岱恆衡氣通天漢神洞幽明崑然中立眾山

之英藝文類聚七案道藏本山海經以此為中山經驗文與尔疋上下文合今遂正于此

釋水弟十二

水

川瀆綺錯渙瀾流帶潛潤旁通經管初學記作營華外殊出同

歸混之東會藝文類聚八初學記六

釋艸弟十三

蘼蕪

蘼蕪善艸亂之蛇牀不隕其實御覽作貴自別以芳佞人似智

巧言如簧藝文類聚八十一太平御覽九百八十三大觀本草七

芙渠

芙渠麗艸一曰澤芝泛葉盈布映波赧熙伯陽是食饗比

靈期藝文類聚八十二

麻

草皮之良莫貴於麻用無不給服無不加至物在邇求之

好遐藝文類聚八十五

萍

萍之在水猶卉植地靡見其布漠爾鱗被物無常託孰知

所寄

藝文類聚八十二

鞠

鞠名曰精布華玄月仙客薄採何憂華髮

藝文類聚八十一 太平御覽

九百九十六引下二句作仙客是尋薄采薄採小異

款冬

釋艸菟奚類 凍注款冬也

吹萬不同陽煦陰蒸款冬之生擢穎堅冰物體所安焉知

渙凝

藝文類聚八十一

茱萸

車前之艸別云茱萸王會之云其實如李名之相亂在乎

疑似

同上

卷施

卷施之艸拔心不死屈平賦之諷諫以比取類雖邇與有

遠旨

同上

釋木弟十四

柚

厥包橘柚精者曰甘實染繁霜葉鮮翠藍屈子嘉歎以為

美談

藝文類聚八十七 太平御覽 九百六十六 又九百七十三

棗

建國辨方外朝九棘因材制義赤心鯁直藹藹吉士亮此

袞職

藝文類聚八十九 初學記二 太平御覽九百六十五

梧桐

桐實嘉木鳳皇所棲爰伐琴瑟八音克諧詩以永年唯唯

啗啗藝文類聚

五果

果赫之品割噬因宜雖曰微質貴賤有差太平御覽九百六十四

釋蟲第十五釋蟲第十五

蟬

蟲之清絜可貴惟蟬潛蛻棄穢飲露恆鮮萬物皆化人胡

不然藝文類聚九十七

蚯蚓

蚯蚓土精無心之蟲交不必分姪于阜螽解而感物無有

常雄太平御覽九百四十七

螳螂心不取田平規之應精以出

螳螂飛蟲揮斧奮臂當轍不迴句踐是避勇士致斃厲之

以義藝文類聚九十七

蚍蜉

蚍蜉瑣劣蟲之不才感陽而生應雨講臺物之無懷自然

知來太平御覽九百四十七

尺蠖

貴有可賤賤有可珍嗟彼尺蠖體此屈伸論配龍蛇見歎

聖人藝文類聚九十七

螢火

熠燿宵行蟲之微么出自腐艸煙若散燹物之相煦孰知

其陶藝文類聚九十七

初學記三十

釋魚第十六

蚌

萬物變蛻其理無方雀雉之化含珠懷璫與月虧盈氣協

晦望

藝文類聚九十七
初學記二十七

貝

先民有作龜貝為貨貴以文采賈以小大簡則易從犯而

不過

藝文類聚
八十四

騰蛇

騰蛇配龍因霧而躍雖欲升天雲罷處陸略材所任難以

久託

藝文類聚
九十六

蟒蛇

蠢蠢萬生成以類長惟蛇之君是謂巨蟒小則數尋大或

百丈

藝文類聚
九十六

龜

天生神物十朋之龜或游于火或游于著雖云類殊象二

一歸疊疊致用極數近幾

藝文類聚九十七
初學記三十一

釋鳥第十七

燕

燕燕于飛瑞娥以卵玄玉爰發聖敬日遠商人是頌詠之

弦筦

藝文類聚
九十二

翡翠

翠雀麋鳥越在南海羽不供用肉不足宰懷璧其罪賈害

以采

同上

鼯鼠

鼯之為鼠含煙棲林載飛載乳乍獸乍禽皮藉孕婦人為

大任

藝文類聚九十五

釋獸第十八

貌

書稱猛士如虎如貌貌蓋豹屬亦曰執夷白狐之云似是

而非

藝文類聚九十五

麟

麟為靈獸與麇同體智在隱蹤仁表不抵孰為來哉宣尼

揮涕

藝文類聚九十八

犀

犀頭如豬形兼牛質角則併三分身互出鼓鼻生風壯氣

溢溢

道藏本山海經南山經犀贊水牛豬頭大腹脚脚有三

可均按郭注犀形似

一在額上一在鼻上即食角也小而不好食棘亦有一角者景純此贊與注文相應今藝文類聚九十五太平御覽八百九十九引作犀之為狀形兼牛豕力無不傾吻無不靡以賄嬰災因乎角特云云者實山海經南山經犀贊與此互亂也今據注文逡正而引類聚御覽所引入山海經

猩猩

能言之獸是謂猩猩厥狀似猴號音若嬰類聚自然

知往頗測

類聚作識

物情藝文類聚九十五

鼯鼠

小鼠曰鼯實有螫毒乃食郊牛不恭是告厥譴惟明微乎

其覺

藝文類聚九十五

鼯鼠

五能之鼠伎無所執應氣而化翻飛駕集詩人訝之無食

我粒

同上

鼯鼠

有鼠豹采厥號曰鼯漢朝莫知郎中能名賞以束帛雅業

遂盛

同上

鼠

或以尾翔或以髯凌飛鼠鼓翰儻然皆騰用無常所唯神

是憑

同上

釋畜第十九

馬

馬出明精祖自天駟十閑六種各有名類三才五御駑駿

異轡

藝文類聚九十三

羊

月氏之羊其類在野厥高六尺尾亦如馬何以審之事見

爾雅

藝文類聚九十四

祖望妻葉蕙心爾雅古注斟本輯郭贊五十餘事亦爾雅
 與山海經溷淆難以徵信也至嚴君此本之精如犀贊據
 郭注與山海經互易太室騰蛇二贊據中山經遙入皆足
 見抉擇之精校雠之密羽儀經傳揖讓姬孔詎惟有功郭
 氏也哉光緒十五年己丑冬十一月長沙葉德輝識于都
 門長沙龍館

爾雅圖贊一卷亦錄其景文也詳雜音京本樹山武野
 古爾雅圖贊一卷亦錄其景文也詳雜音京本樹山武野

山海經圖
 贊二卷

光緒乙未春二月
長沙葉氏郎園刊

山海經圖贊敘

郭璞山海經圖贊二卷隋唐宋志竝同玉海引中興書目云山海經十八卷郭璞傳凡二十三篇每篇有贊今世所見惟道藏本卷一至卷十三有贊與經文次第不盡合其卷十四大荒經以下贊亾撫羅殘剩僅得北堂書鈔之東海外大壑贊初學記御覽之焦僥淨人贊藝文類聚之弱水炎火山若木都廣之野封豕贊七首而已餘當有八九十首莫可攷見其見存者亦疑非原本何以言之御覽引鬼神贊當在中山經藏本無藏本中山經有太室山騰蛇三贊武進王小仲謂是爾雅贊錯入覆審良然又郭注中有銘多與藏本贊同蓋銘卽贊而藏本東山經蜚贊與注

山海經圖贊
中銘及廣韻八未所引之贊絕異又中山經跂踵贊與注
中銘亦絕異明是道藏所收本曾經改補晉張駿亦有圖
贊見御覽九百三十九或藏本雜以張贊實未可知今輯
羣書所引除太室山騰蛇二贊遂入爾雅外得六十七首
蓋以藏本共得二百六十六首凡南山經二十四首西山
經五十三首北山經三十首東山經十八首中山經四十
九首海外南經十六首海外西經十六首海外北經十五
首海外東經八首海內南經六首海內西經十一首海內
北經九首海內東經四首大荒東經二首大荒西經二首
大荒北經一首海內經二首仍依史志分爲二卷就中尚
多乖誤無從攷定也嘉慶丙子秋八月烏程嚴可均謹敘

山海經圖贊卷上

晉郭璞撰

烏程嚴可均集

南山經

桂

桂生南裔枝華岑嶺廣莫熙葩凌霜津穎氣王百藥森然

雲挺

藝文類聚八十九
說文繫傳木部

祝荼艸旋龜鵠鳥

案經作祝餘注
云或作桂茶

祝荼嘉艸食之不飢鳥首虺尾其名旋龜鵠鳥六足三翅

竝翬

道藏本

迷穀

爰有奇樹產自招搖厥華流光上映垂霄佩之不惑潛有

靈標同上

狴狴

狴狴似猴走立行伏權木挺力少辛明目蜚廉迅足豈食

斯肉同上 太平御覽九百八引前四句與此小異

白猿

白猿肆巧由基撫弓應晒而號神有先中數如循環其妙

無窮藝文類聚九十五 太平御覽九百十

水玉

水玉沐浴潛映洞淵赤松是服靈蛻乘煙吐納六氣升降

九天藝文類聚七十八

鹿蜀

鹿蜀之獸馬質虎文攘此吟鳴矯足騰羣佩其皮毛子孫

如雲太平御覽九百十三

鱧

魚號曰鱧處不在水厥狀如牛鳥翼蛇尾隨時隱見倚乎

生死道藏本 太平御覽九百三十九引前四句小異

類

類之為獸一體兼三近取諸身用不假器窈窕是佩不知

妬忌道藏本

搏訖

搏訖似羊眼反在背脉之則奇推之無怪若欲不恐厥皮

可佩太平御覽九百十三

灌灌鳥赤鰓魚

厥聲如訶厥形如鳩佩之辨惑出自青邱赤鰓之物魚身

道藏本 太平御覽九 人頭百三十九引末二句

鴉鳥

彗星橫天鯨魚死浪鴉鳴於邑賢士見放厥理至微言之

道藏本

長右彘

長右四耳厥狀如猴實為水祥見則橫流彘虎其身厥尾

如牛上同

猾褢

猾褢之獸見則興役膺政而出匪亂不適天下有道幽形

匿迹

上同

會稽山 禹祖會稽爰朝羣臣不虔是討乃戮長人玉匱表夏玄石

勒秦 藝文類聚八

患

有獸無口其名曰患害氣不入厥體無間至理之盡出乎

自然 道藏本

纂雕瞿如鳥虎蛟

纂雕有角聲如兒號瞿如三手厥狀似鳩魚身蛇尾是謂

虎蛟 上同

犀 上同

犀之為狀形兼牛豕力無不傾吻無不靡曰賄嬰災因乎

角犄藝文類聚九十五 太平御覽八百九十 可均 按道藏本南山經有犀贊審為爾雅文今互易

兕

兕推壯獸似牛青黑力無不傾自焚以革皮充武備角助

文德藝文類聚九十五

象

象實魁梧體巨貌詭肉兼十牛目不逾豕望頭如尾動若

丘徙藝文類聚九十五

鳳皇

鳳皇靈鳥實冠羽羣八象其體五德其文羽翼來儀應我

聖君同上

育隧谷

育隧之谷爰含凱風青陽既謝氣應祝融炎雰是扇以散

鬱隆道藏本

鱒魚鵙鳥

鵙鳥棲林鱒魚處淵俱為旱徵災延普天測之無象厥數

唯玄太平御覽九百三十九

白蒼

白蒼翠蘇其汁如飴食之辟穀味有餘滋逍遙忘勞窮生

盡期道藏本

西山經

羶羊

月氏之羊其類在野厥高六尺尾亦如馬何以審之事見爾雅初學記二十九

粵山

粵嶽靈峻削成四方爰有神女是挹玉漿其誰游之龍駕

雲裳藝文類聚七初學記五

鳩渠夫驚鳥文莖木鷓鳥

鳩渠已殃赤驚辟火文莖瘵聾是則嘉果鷓亦衛災厥形

唯麼道藏本

肥遺蛇

肥遺為物與災合契鼓翼陽山以表亢厲桑林既禱倏忽

潛逝同上

流赭

沙則潛流亦有連赭于以求鐵趨在其下蠲牛之孺作采

于社同上

黃雀艸肥遺鳥躡獸

浴疾之艸厥子赭赤肥遺似鷄其肉已疫躡獸長臂為物

好擲同上

豪彘

剛鬣之族號曰豪彘毛如攢錐中有激矢厥體兼資自為

牝牡藝文類聚九十五初學記二十九太平御覽九百三

橐蜚

有似人面一腳孤立性與時反冬出夏蟄帶其羽毛迅雷

不入道藏本

桃枝

蟠冢美竹厥號桃枝叢薄幽藹從容鬱猗簟以安寢杖以

扶危北堂書鈔一百三十三
藝文類聚六十九

菁容艸谿邊獸櫟鳥

有華無實菁容之樹谿邊類狗皮厭妖蠱黑文赤翁鳥瘡

隱痔道藏本

杜衡

徃徃犇人杜衡走馬理固須因體亦有假駿足在感安事

御者同上

礪石

稟氣方殊舛錯理微礪石殺鼠蠶食而肥物性雖反齊之

一歸同上

櫻如

櫻如之獸鹿狀四角馬足人手其尾則白兒兼三形攀木

緣石同上

數斯鳥擎獸鷓鳥

數斯人脚厥狀似鷓擎獸大眼有鳥名鷓兩頭四足翔若

合飛同上

鸚鵡

鸚鵡慧鳥青羽赤喙四指中分行則以背自貽伊籠見幽

坐趾藝文類聚九十七
學記三十引上四句初

鸞鳥

鸞翔女牀鳳出丹穴拊翼相和以應聖哲擊石靡詠韶音

其絕

北堂書鈔一百五十八
藝文類聚九十九

鳧溪鳥朱厭獸

鳧溪朱厭見則有兵類異感同理不虛行推之自然厥數

難明

道藏本

蠻蠻

比翼之鳥似鳧青赤雖云一形氣同體隔延頸離鳥翻飛

合翮

同上

丹木玉膏

丹木焯焯沸沸玉膏黃軒是服遂攀龍豪眇然升遐羣下

烏號

同上

瑾瑜玉

鍾山之寶爰有玉華光采流映氣如虹霞君子是佩象德

閑邪

藝文類聚八十三

鍾山之子鼓欽鵠

欽鵠及鼓是殺祖江帝乃戮之昆侖之東二子皆化矯翼

亦同

道藏本

鯨魚

見則邑穰厥名曰鯨經營二海矯翼聞霄唯味之奇見歎

伊庖

同上

神英招

槐江之山英招是主巡遊四海撫翼雲儻實惟帝囿有謂
玄圃同上

榑木

榑惟靈樹爰生若木重根增駕流光菊燭食之靈化榮名

仙錄同上

昆侖北

昆侖月精水之靈府惟帝下都西老之宇傑然中峙號曰

天柱藝文類聚七

神陸吾

肩吾得一以處昆侖開明是對司帝之門吐納靈氣熊熊

魂魄道藏本

土螻獸欽原鳥

土螻食人四角似羊欽原類蜂大如鴛鴦觸物則斃其銳

難當同上

鶉鳥沙棠實蕢艸

司帝百服其鳥名鶉沙棠之實唯果是珍爰有奇菜厥號

曰蕢同上

沙棠

安得沙棠制為龍舟泛彼滄海眇然遐遊聊以逍遙任波

去畱同上

神長乘

九德之氣是生長乘人狀豹尾其神則凝妙物自潛世無

得稱道藏本

西王母

天帝之女蓬髮虎顏穆王執贄賦詩交歡韻外之事難以

具言同上

積石

積石之中實生重河夏后是導石門湧波珍物斯備比奇

崑阿同上

白帝少昊

少昊之帝號曰金天魄氏之宮亦在此山是司日入其景

則圓同上

猗

章峨之山奇怪所宅有獸似豹厥色惟赤五尾一角鳴如

擊石同上

畢方

畢方赤文離精是炳早則高翔鼓翼陽景集乃流災火不

炎正同上

文具

先民有作龜貝爲貨貴以文采賈以小大簡則易從犯而

不過同上

天狗

乾麻不長天狗不大厥質雖小禳災除害氣之相王在乎

食帶同上

山海經圖贊卷上
九
江疑徼狃獸鷓鴣

江疑所居風雲是潛獸有徼狃毛如披蓑鷓鴣鳥一頭厥身則兼同上

青鳥

山名三危青鳥所解往來昆侖王母是隸穆王西征旋軫斯地藝文類聚九十一太平御覽九百二十七

神耆童

顓頊之子嗣作火正鏗鏘其鳴聲如鐘磬處于驪山惟靈之盛道藏本

帝江

質則混沌神則旁通自然靈照聽不以聰強為之名曰惟

帝江同上

獬豸案經作謹注云或作原

鵠鷄三頭獬豸三尾俱禦不祥消凶辟昧君子服之不逢同上

當扈

鳥飛以翼當扈則鬢廢多任少沛然有餘輪運於轂至用在無同上

白狼

矯矯白狼有道則游應符變質乃銜靈鉤唯德是適出殷見周藝文類聚九十九太平御覽九百九

白虎

山海經圖贊卷十一
十一
魑魍之虎仁而有猛其質載皓其文載炳應德而擾止我
交境道藏本

駁

駁惟馬類實畜之英騰髦驤首噓天雷鳴氣無不凌吞虎

辟兵

藝文類聚九十五 太平御覽八百九十三

神媿蠻蠻髯遺魚

其音如吟一腳人面鼠身鼈頭厥號曰蠻目如馬耳食厭

妖變道藏本

榱木

榱之為木厥形似榱若能長服拔樹排山力則有之壽亦

宜然同上

窮奇獸羸魚孰湖獸

窮奇如牛蝟毛自表濛水之羸匪魚伊烏孰湖之獸見人

則抱同上

鳥鼠同穴山

鷄鷄二蟲殊類同歸聚不以方或走或飛不然之然難以

理推同上

鱖魚

物以感應亦不數動壯士挺劍氣激白虹鱖魚潛淵出則

邑悚

太平御覽九百二十九

鯨鯨魚

形如覆鉢包玉含珠有而不積泄以尾閭閭與道會可謂

奇魚同上

丹木

爰有丹木生彼洧盤厥實如瓜其味甘酸蠲痾辟火用奇

桂蘭道藏本

北山經

水馬

馬實龍精爰出水類渥注之駿是靈是瑞昔在夏后亦有

何駟道藏本

臚疏獸鵠鷄烏何羅魚

厭火之獸厥名臚疏有鳥自化號曰鵠鷄一頭十身何羅

之魚同上

鯨魚

涸和損平莫慘于憂詩詠護艸山經則鯨壑焉遺岱聊以

盤遊同上太平御覽九百三十七引前四句

孟懷

孟懷似貍其豪則赤列象畏獸凶邪是辟氣之相勝莫見

其迹同上

鰭鰭魚

鼓翮一揮十翼翩翩厥形如鵠鱗在羽端是謂怪魚食之

辟燔道藏本太平御覽九百三十九引前四句

橐駝

駝惟奇畜肉鞞是被迅驚流沙顯功絕地潛識泉源微乎

其智

藝文類聚九十四 初學記二十一 太平御覽九百一 竝小異

寓鳥孟極足訾獸

鼠而傅翼厥聲如羊孟極似豹或倚無良見人則呼號曰

足訾

道藏本

耳鼠

蹠實以足排虛以羽翹尾翻飛奇哉耳鼠厥皮惟良百毒

是禦

同上

幽頰

幽頰似猴俾愚作智觸物則笑見人佯睡好用小慧終是

嬰繫

同上 太平御覽九百一十三 引前四句

鳩鳥

毛如雌雉朋翔羣下飛則籠日集則蔽野肉驗鍼石不勞

補寫

同上

諸健獸白鶴竦斯鳥

諸健善吒行則銜尾白鶴竦斯厥狀如雉見人則跳頭文

如繡

同上

磁石

磁石吸鐵瑋瑁取芥氣有潛感數亦冥會物之相投出乎

意外

藝文類聚六

旄牛

牛充兵機兼之者旄冠于旌鼓爲軍之標匪肉致災亦毛

之招

道藏本

長蛇

長蛇百尋厥鬣如彘飛羣走類靡不吞噬極物之惡盡毒之厲藝文類聚九十六

竅窳諸懷獸鰈魚肥遺蛇

竅窳諸懷是則害人鰈之為狀羊鱗黑文肥遺之蛇一頭兩身道藏本太平御覽九百三十九引鰈魚贊云鰈之為狀半鳥半鱗形如雞鯉食之已疣小異

山獬

山獬之獸見人謹謔厥性善投行如矢激是唯氣精出則風作太平御覽九百十二

狻闔駉馬獨裕

有獸如豹厥文唯縟闔善躍嶮駉馬一角虎狀馬尾號曰

獨裕道藏本

鰲魚

陽鑿動日土蛇致宵微哉鰲魚食則不驕物在斯感其用無標同上太平御覽九百三十九引下四句

狍鴞

狍鴞貪恠其目在腋食人未盡還自齧刻圖形妙鼎是謂不若道藏本

鷲鵠

禦暘之鳥厥名鷲鵠昏明是互晝隱夜覲物貴應用安事鷲鵠同上

居暨獸蹄鳥三桑

居暨豚鳴如彙赤毛四翼一目其名曰鼯三桑無枝厥樹

惟高同上

驪獸

驪獸四角馬尾有距涉歷歸山騰嶮躍咀厥兒唯奇如是

旋舞同上

鵠鵠象蛇鰩父魚

有鳥善驚名曰鵠鵠象蛇似雉自生子孫鰩父魚首厥體

如豚同上 太平御覽九百三十九引末二句

天馬

龍馮雲遊騰蛇假霧未若天馬自然凌翥有理懸運天機

潛御道藏本

早鵠居

鵠居如鳥青身黃足食之不飢可以辟穀內厥惟珍配彼

丹木同上

東山飛鼠

或以尾翔或以髯凌飛鼠鼓翰脩然背騰用無常所惟神

是馮初學記二十九

酸與爾雅釋名

景山有鳥稟形殊類厥狀如蛇腳三翼四見則邑恐食之

不醉道藏本

鵠鵠黃鳥

鵠鵠之鳥食之不瞧爰有黃鳥其鳴自叫婦人是服矯情

易操

同上 易操之不一類也其類自四獸人最難辨

精衛

炎帝之女化爲精衛沈形東海靈爽西邁乃銜木石以填

波害

藝文類聚九十二

鍊鍊羆九獸大蛇

鍊鍊似羊眼在耳後竅生尾上號曰羆九幽都之山大蛇

牛响

東山經

鱮鱮魚從從獸蜚鼠

魚號鱮鱮如牛虎駁從從之狀似狗六腳蜚鼠如雞見則

旱涸

道藏本太平御覽九百三十九引首二句

堪孖魚幹幹獸

堪孖幹幹殊氣同占見則洪水天下昏墊豈伊妄降亦應

牒讖

僞蟪

僞蟪蛇狀振翼灑光憑波騰逝出入江湘見則歲旱是維

火祥

狗狗

蚌則含珠獸胡不可狗狗如豚被褐懷禍患難無由招之

自我

珠蟹魚

澧水之鮮形如浮肺體兼三才以貨賈害厥用既多何以

自衛

同上太平御覽九百三十九引前四句

狄徐魚

狄徐之獸見人佯眠與災協氣出則無年此豈能為歸之於天道藏本

朱孺

朱孺無奇見則邑駭通感靡誠維數所在因事而作未始無待同上

狸力獸鴛胡鳥

案經無狸力獸此題未詳

狸力鴛胡或飛或伏是惟土祥出興功築長城之役同集秦域同上

獬獬蠶蚘獸絜鉤鳥

獬獬如狐有翼不飛九尾虎爪號曰蠶蚘絜鉤似鳧見則民悲同上

崧崧

治在得賢亾由失人崧崧之來乃致狡賓歸之冥應誰見其津同上

娒胡精精獸鮎鮎魚

娒胡之狀似麋魚眼精精如牛以尾自辨鮎鮎所潛厥深無限同上

蠪龜

水圓四十潛源溢沸靈龜爰虎掉尾養氣莊生是感揮竿傲貴同上

山海經圖贊卷一
獨狙獸魋雀

獨狙狡獸魋雀惡鳥或狼其體或虎其爪安用甲兵擾之
以道同上

芭木

馬維剛駿塗之芭汁不勞孫陽自然閑習厥術無方理有
潛執同上

芘魚薄魚

有魚十身蘂蕪其臭食之和體氣不下溜薄之躍淵是維
災候同上

當康獸鰓魚

當康如豚見則歲穰鰓魚鳥翼飛乃流光同出殊應或災

或祥同上

合窳

豬身人面號曰合窳厥性貪殘物靡不咀至陰之精見則
水雨同上

蜚

蜚則災獸跂踵厲深會所經涉渴水槁林稟氣自然體此
殃淫同上按廣韻八未引郭璞山海經蜚贊云蜚之無
逝今東山經注贊作銘唯萬物攸懼句攸懼思爾遐
皆同而藏本之贊絕異疑莫能明也今兩存之

得但獸類雀

得但校獸類雀鳥或狼其體或虎其爪安用甲兵之

皆同而類本之贊辨異莫能明也今兩存之

改今東山盤主贊辨異莫能明也今兩存之

大武同上也 楚魚蕭凡未虎騰與山

藍頰炎燭翅

藍頰炎燭翅鳳彩會退豨若樹水辭林稟原自然豨也

水雨同也 身類其具食之 氣不下 潤之 潤之

合

山海經圖贊卷上終

山海經圖贊卷下

傲晉郭璞誤

烏程嚴可均集

中山經 夔人面獸身之類 夔州不見 夔自美王何林

赤銅

昆吾之山名銅所在切玉如泥火炙有采尸子所歎驗之

汲宰藝文類聚八十四

鬼草

焉得鬼艸是樹是藝服之不憂樂天儀世如波波疑滾舟

任彼流滯太平御覽四百六十九

鵓

鵓之為鳥同羣相為畸類被侵雖死不避毛飾武士兼厲

以義

藝文類聚九十

鳴蛇化蛇

鳴化二蛇同類異狀拂翼俱游騰波漂浪見則竝災或淫

或亢

道藏本

馬腹獸飛魚

馬腹之物人面似虎飛魚如豚赤文無羽食之辟兵不畏

雷鼓

同上

藝文類聚二宋本初學記一引下四句太平御覽九百三十九引食之辟兵二句

神熏池

秦逢虎尾武羅人面熏池之神厥狀不見爰有美玉河林

如禱

同上

神武羅

有神武羅細腰白齒聲如鳴佩以鑿貫耳司帝密都是宜

女子

同上

鵙鳥

鵙鳥似鳧翠羽朱目既麗其形亦奇其肉婦女是食子孫

繁育

同上

荀艸

荀艸赤實厥狀如菅婦人服之練色易顏夏姬是豔厥媚

三還

同上

神秦逢

神號秦逢號游山陽濯足九州出入流光天氣是動孔甲

迷惶

同上

山海經圖贊卷下
二
旋龜人魚修辟

聲如破木號曰旋龜修辟似龜厥鳴如鴟人魚類歸出于

洛伊同上

鳴石

金石同類潛響是韞擊之雷駭厥聲遠聞苟以數通氣無

不運同上

桃林

桃林之谷實惟塞野武王克商休牛風馬阨越三塗作嶮

西夏同上

若華烏酸艸案經作苦辛馬酸

療疾之艸厥實如瓜烏酸之葉三成黃華可以為毒不畏

虺蛇同上

帝臺棋對交樅棘木少室曾創雲霧皆于淵之淵

茫茫帝臺維靈之貴爰有石棋五采煥蔚觴禱百神以和

天氣同上

菑艸菑心視目以樂之嘉樂最服視五音轉用

菑艸黃華實如菟絲君子是佩人服媚之帝女所化其理

難思同上

山膏獸黃棘則少不獸獸是不獸多實論三以同

山膏如豚厥性好罵黃棘是食匪子匪化雖無貞操理同

不嫁同上

天樞牛傷文獸騰魚騰魚林風又青鱗魚青鱗魚干

牛傷鎮氣天楠弭噎文獸如蜂枝尾反舌騰魚青斑處于
達穴上同

造物維均靡偏靡頗少不為短長不為多賁能三足何異
鼃鼃上同

嘉榮上同 靈為天精動心駭目曷以禦之嘉榮是服所正者神用
腸腹上同

帝休上同 帝休之樹厥枝交對竦本少室曾陰雲霽君子服之匪怒
伊愛上同

泰室

嵩惟岳宗華岱恆衡氣通天漢神洞幽明鬼然中立眾山
之英同上類聚七小異案此當屬爾雅贊今姑從臧本

栒木

爰有嘉樹厥名曰栒薄言采之窈窕是服君子維歡家無
反目同上

蔦艸

蔦艸赤莖實如嬰菓食之益智忽不自覺殆齊生知功奇
于學同上

薊柏

薊柏白華厥子如丹實肥變氣食之忘寒物隨所染墨子

所歎

上同

蕨

上同

大醜之山爰有萃艸青華白實食之無夭雖不增齡可以窮老

上同

橘櫛

上同

厥苞橘櫛奇者維甘朱實金鮮葉蒨翠藍靈均是詠以為美談

上同

鮫魚

魚之別屬厥號曰鮫珠皮毒尾匪鱗匪毛可以錯角兼飾劍刀

上同

神蠹圍計蒙涉蠹

涉蠹三腳蠹圍虎爪計蒙龍首獨稟異表升降風雨茫茫

渺渺

上同

鳩鳥

蝮維毒魁鳩鳥是噉拂翼鳴林草瘁木慘羽行隱戮厥罰難犯

上同

椒

椒之灌植實繁有倫拂穎霑霜朱實芬辛服之不已洞見通神

上同

岷山

岷山之精上絡東井始出一勺終致森冥作紀南服天清地靜

上同

夔牛

西南巨牛出自江岷體若垂雲肉盈千鈞雖有逸力難以

揮輪道藏本

崲山

邛崲峻嶮其坂九折王陽逡巡王尊遲節殷有三仁漢稱

二哲同上

狔狼雍和猴獸

狔狼之出兵不外擊雍和作恐猴乃流疫同惡殊災氣各

有適同上

雌

寓屬之才莫過于雌兩則自懸塞鼻以尾厥形雖隨列象

宗彝同上

熊穴

熊山有穴神人是出與彼石鼓象殊應一祥雖先見厥事

非吉同上

跂踵

青耕禦疫跂踵降災物之相反各以氣來見則民咨實為

病媒同上

中山經跂踵注銘曰跂踵為鳥一足似夔不為樂興反以悲來與此絕異疑莫能明

蛟

匪蛇匪龍鱗采炳煥騰躍波濤蜿蜒江漢漢武飲羽飲飛

曼斷藝文類聚九十六

神耕父

神耕父

清冷之水在乎山頂耕父是游流光灑景黔首祀崇以弭
災眚道藏本

九鍾鍾將鳴凌霜乃落氣之相應觸感
而作同

支離之山有鳥似鵲白身赤眼厥尾似勺維彼有斗不可
以酌同

有獸虎爪厥號曰獐好自跳撲鼓甲振奮若食其肉不覺
風迅同

帝臺漿

帝臺之水飲調心病靈府是滌和神養性食可逍遙濯髮
浴泳同

狙如狙如

狙如微蟲厥體無害見則興師兩陣交會物之所感焉有
小大同

帝女桑

爰有洪桑生濱淪潭厥圍五丈枝相交參園客是采帝女
所蠶藝文類聚

移卽梁渠聞獐獸馱烏

梁渠致兵移卽起災鳴鷄辟火物各有能聞獐之見大風

乃來

道藏本

神于兒

于兒如人蛇頭有兩常游江淵見于洞廣乍潛乍出神光

惚恍

同上

神二女

神之二女爰宅洞庭游化五江恍惚窈冥號曰夫人是維

湘靈

同上

海外南經

自此山來蟲為蛇蛇號為魚

賤無定貴貴無常珍物不自物自物由人萬事皆然豈伊

蛇鱗

道藏本

羽民國

鳥喙長頰羽生則卵矯翼而翔龍飛不遠人維倮屬何狀

之反

同上

神人二八

羽民之東有神司夜二八連臂自相羈駕晝隱宵出詭時

淪化

同上

謹頭國

謹頭鳥喙行則杖羽潛于海濱維食祀秬實維嘉穀所謂

濡黍

同上

厭火國

有人獸體厭狀怪譎吐絡炎精火氣隨烈推之無奇理有

不熱同上

三株樹

三株所生赤水之際翹葉柏竦美壯若彗濯采丹波自相

霞映同上

載國

不蠶不絲不稼不穡百獸率舞羣鳥拊翼是謂載民自然

衣食同上

貫匈交脛支舌國

鑠金洪鑪灑成萬品造物無私各任所稟歸于曲成是見

兆朕同上

不死國

有人爰處圜丘之上赤泉駐年神木養命稟此遐齡悠悠

無竟同上

鑿齒國

鑿齒人類實有傑牙猛越九嬰害過長蛇堯乃命羿斃之

壽華同上

三首國

雖云一氣呼吸異道觀則俱見食則皆飽物形自周造物

非巧同上

焦僥國

羣類舛吹氣有萬殊大人三丈焦僥尺餘混之一歸此亦

僑如同上

長臂國

雙肱三尺體如中人彼曷為者長臂之民修腳是負捕魚

海濱上同狄山帝堯葬于陽帝嚳葬于陰

聖德廣被物無不懷爰乃殂落封墓表哀異類猶然矧乃

華黎上同視肉

聚肉有眼而無腸胃與彼馬勃頗相髣髴奇在不盡食人

薄味上同南方祝融

祝融火神雲駕龍驂氣御朱明正陽是合作配炎帝列位

于南上同

海外西經

滅蒙烏大運山雄常樹

青質赤尾號曰滅蒙大運之山百仞三重雄常之樹應德

而通上同夏后啟

箎御飛龍樂舞九代雲融是揮玉璜是佩對揚帝德稟天

靈誨上同三身國一臂國

品物流行以散混沌增不為多減不為損厥變難原請尋

其本上同

奇肱國

妙哉工巧奇肱之人因風構思制為飛輪凌頽遂軌帝湯
是賓同上

形天

爭神不勝為帝所戮遂厥形天臍口乳目仍揮干戚雖化
不服同上

女祭女戚

彼姝者子誰氏二女曷為水間操魚持俎厥儷安在離羣
逸處同上

鴛鳥鷺鳥

有鳥青黃號曰鷺鴛與妖會合所集禍至類則鼻鷓厥狀

難媚同上

丈夫國

陰有偏化陽無產理丈夫之國王孟是始感靈所通桑石
無子同上

女丑尸

十日竝燬女丑以斃暴于山阿揮袖自翳彼美誰子逢天
之厲同上

巫咸

羣有十巫巫咸所統經技是按術藝是綜採藥靈山隨時
登降同上

并封

龍過無頭并封連載物狀相乖如驥分背數得自通尋之

愈闕上同

女子國風雨赫赫其長對沛蓬其絲對藥靈山對湖
簡狄有吞姜嫄有履女子之國浴于黃水乃娠乃字生男

則死上同

軒轅國在巴陵暴干山阿戰斷自翠如美藉干數天
軒轅之人承天之祐冬不襲衣夏不扇暑猶氣之和家為

彭祖上同

龍魚龍魚之類也
龍魚一角似狸處陵侯時而出神聖攸乘飛鷺九域乘雲

上昇藝文類聚九十六太平御覽九百三十九引小異

乘黃

飛黃奇駿乘之難老揣角輕騰忽若龍矯實鑑有德乃集

厥阜道藏本

西方蓐收

蓐收金神白毛虎爪珥蛇執鉞專司無道立號西阿恭行

天討上同

海外北經

無脊國

萬物相傳非子則根無脊因心構肉生魂所以能然尊形

者存道藏本

燭龍

山海經圖考卷下
天缺西北龍銜火精氣爲寒暑眼作昏明身長千里可謂
至神藝文類聚九十六

蒼四不多此一不少子野冥瞽洞見無表形游逆旅所貴
維眇道藏本

柔利國

柔利之人曲腳反肘子求之容方此無醜所貴者神形于
何有同上

共工臣相柳

共工之臣號曰相柳稟此奇表蛇身九首恃力桀暴終禽
夏后同上

深目國

深目類胡但頸絕縮軒轅道隆款塞歸服穿胸長腳同會
異族同上

無腸國

無腸之人厥體維洞心實靈府餘則外用得一自全理無
不共同上

聶耳國

聶耳之國海渚是縣雕虎斯使奇物畢見形有相須手不
離面同上

夸父

神哉夸父難以理尋傾沙逐日遯形鄧林觸類而化應無

常心

上同

尋木

眇眇尋木生于河邊竦枝千里上干雲天垂陰四極下蓋

虞淵

上同

跂踵國

厥形雖大斯腳則企跳步雀躍踵不闕地應德而臻款塞

歸義

上同

歐絲野

女子鮫人體近蠶蚌出珠匪甲吐絲匪蛹化出無方物豈

有種

上同

平正

兩山之間正號曰平爰有遺玉駿馬維青視肉甘華奇果

所生

上同

駟駟

駟駟野駿產自北域交頸相摩分背翹陸雖有孫陽終不

能服

九十三
菽文類聚

北方禺疆

禺疆水神面色黧黑乘龍踐蛇凌雲附驥靈一玄冥立于

北極

道藏
本

海外東經

君子國

東方氣仁國有君子薰華是食雕虎是使雅好禮讓委蛇

論理道藏本

天吳

眈眈水伯號曰谷神八頭十尾人面虎身龍據兩川威無

不震同上

禹命監亥青邱之北東盡太遠西窮邠國步履宇宙以明

靈德同上

九尾狐

青邱奇獸九尾之狐有道翔見出則銜書作瑞周文以標

靈符

藝文類聚九十五 太平御覽九百九 初學記二十九 竝異

黑齒國雨師妾玄股國勞民國

陽谷之山國號黑齒雨師之妾以蛇挂耳玄股食軀勞民

黑趾道藏本

十日

十日竝出艸木焦枯羿乃控弦仰落陽烏可謂動感天人

懸符同上

毛民國

牢悲海鳥西子駭麋或貴穴倮或尊裳衣物我相傾孰了

是非同上

東方勾芒

有神人面身鳥素服銜帝之命錫齡秦穆皇天無親行善

有福同上

海內南經

萬萬

鬚鬚怪獸被髮操竹獲人則笑唇蔽其目終亦號咷反為

我戮太平御覽九百八

狴狴

狴狴之狀形乍如犬厥性識往為物警辨以酒招災自貽

纓胃道藏本

夏后啟臣孟涂

孟涂司巴聽訟是非厥理有曲血乃見衣所請靈斲嗚呼

神微同上

建木

爰有建木黃實紫柯皮如蛇纓葉有素羅絕蔭弱水異人

則過同上

巴蛇

象實巨獸有蛇吞之越出其骨三年為期厥大如何屈生

是疑藝文類聚九十六

氏人

炎帝之苗實生氏人死則復蘇厥身為鱗雲雨是託浮游

天津道藏本

海內西經

貳負臣危

漢擊磐石其中則危劉生是識羣臣莫知可謂博物山海

乃奇道藏本

窳窳

窳窳無罪見害貳負帝命羣巫操藥夾守遂淪淵淵變為

龍首同上

大澤方百里

地號積羽厥方百里羣鳥雲集鼓振雷起穆王旋軫爰策

騷耳同上

流黃鄠氏國

城圍三百連阿比棟動是塵昏烝氣霧重焉得游之以敖

以縱同上

流沙

天限內外分以流沙經帶西極頽溘委蛇注于黑水永溺

餘波同上

木禾

昆侖之陽鴻鷺之阿爰有嘉穀號曰木禾匪植匪藝自然

靈播同上

開明

開明天獸稟茲金精虎身人面表此桀形瞪視崑山威懾

百靈同上

文玉珥琪樹

文玉珥琪方以類叢翠葉倚萎丹柯玲瓏玉光爭煥彩豔

火龍同上

不死樹

萬物暫見人生如寄不死之樹壽蔽天地請藥西姥烏得
如昇
蘇文類聚八十八

甘水聖木

醴泉瑤木養齡盡性增氣之和祛神之冥何必生知然後
為聖
道藏本

服常琅玕樹

服常琅玕昆山奇樹丹實珠離綠葉碧布三頭是伺遞望
遞顧
同上

海內北經

蛇巫山鬼神蝮犬羣帝臺大蜂朱蛾

蛇巫之山有人操杯鬼神蝮犬主為妖災大蜂朱蛾羣帝
之臺
道藏本

吉良

金精朱鬣龍行駿跣拾節鴻驚塵不及起是謂吉黃釋聖
牖里
同上

闢非據比尸秣戎

人面獸身是謂闢非被髮折頭據比之尸戎三其角秣豎
其肩
同上

騶虞

怪獸五采尾參于身矯足千里儵忽若神是謂騶虞詩歎
其仁
蘇文類聚九十九

馮夷

稟華之精練食石八乘龍隱淪往來海若是謂水仙號曰

河伯藝文類聚
七十八

王子夜尸

予夜之尸體分成七離不為疏合不為密苟以神御形歸

于一道藏
本

宵明燭光

水有佳人宵明燭光流耀河湄稟此奇祥維舜二女別處

一方同上

列姑射山大蟹陵魚

姑射之山實栖神人大蟹千里亦有陵鱗曠哉溟海含怪

藏珍同上

蓬萊山

蓬萊之山玉碧構林金臺雲館皜哉獸禽實維靈府世主

甘心同上

海內東經

豎沙居繇埒端璽喚國

豎沙居繇埒端璽喚沙漠之鄉絕地之館或羈于秦或賓

于漢道藏
本

郁州

南極之山越處東海不行而至不動而改維神所運物無

常在同上

韓雁始鳩雷澤神琅琊臺

韓雁始鳩在海之州雷澤之神鼓腹優游琅琊嶠嶢邈若雲樓同上

大江北江南江浙江廬淮湘漢濛温潁汝涇渭白沅
潁泗鬱肄潢洛汾沁濟潦庠沱漳水

川瀆交錯渙瀾流帶通潛潤下經營華外殊出同歸混之

東會同上

大荒東經

東海外大壑

寫溢洞穴曠昏龍燭爰有大壑號曰無底北堂書鈔一百五十八

蟬人

焦僥極糜蟬人惟小四體具足鬢眉纔了太平御覽三百七十八初學

記十九作焦僥贊

大荒西經

弱水

弱出昆山鴻毛是沈北淪流沙南映火林惟水之奇莫測

其深藝文類聚八

炎火山

木含陽氣精構則燃焚之無盡是生火山理見乎微其妙

在傳藝文類聚七

大荒北經

若木

若生之木崑山是濱朱華電照碧葉玉津食之靈知爲力

爲神

藝文類聚八十九

海內經

都廣之野珍怪所聚爰有羔穀鸞歌鳳舞后稷託終樂哉

斯土

藝文類聚六

封豕

有物貪婪號曰封豕薦食無厭肆其殘毀弄乃飲羽獻帝

效伎

藝文類聚九十五

山海經圖贊卷下終

右嚴君景文所輯山海經圖贊二卷余己丑從京師坊肆抄得者也山海經圖贊近時輯本有三一盧學士抱經堂本一郝戶部箋疏附錄本一四錄堂彙稿本卽是本三本同祖明藏經本而稍有出入盧本以大荒東之崑人大荒西之弱水炎火山大荒北之若木海內之都廣之野封豕入補遺又闕入爾雅圖贊三十餘首郝本于海外東之九尾狐于大荒東復出又闕海內之都廣之野封豕二首而僅存封豕于大荒西中今以經文次第覈之均不如是本之精善也第其中亦有與余疋圖贊重出者如西山經之羶羊初學記二卽釋畜之羊藝文類聚九十四引西山經之蠻蠻道藏本卽釋地之比翼鳥藝文類聚九十九引西山經之文貝道藏本卽釋

魚之貝

藝文類聚八十四引

北山經之鼠

初學記二十九引

即釋獸之鼠

藝文類聚

類聚九十五引

中山經之秦室

道藏本

即釋山之太室

藝文類聚七引

中山

經之橋櫛

道藏本

即釋木之柚

藝文類聚八十七引

太平御覽九百六十六

又九百七

十三均

海內東經之大江北

江南江浙江廬淮

湘漢濛濛

引此贊

道藏本

潁汝涇渭白沅贛泗鬱肄潢洛汾沁濟潦虢池漳水

道藏本

即釋水之水

藝文類聚八初

凡七事雖字句小有異同

學記六引並同

疑傳寫之變非真二書原文也

又余讀吳棫韻補得三首

一先引朝鮮贊云箕子避商自竄朝鮮善者所在豈有隱

顯八語引神噓贊云脚屬于頭人面無手厥號曰噓重黎

所處十八藥引三水贊云三水之山珍石惟錯爰有璿瑰

金沙丹礫才老韻補當時雖為希本然攷孫氏祠堂書目

小學類纂錄吳棫韻補五卷嚴君與淵翁至交不應不一檢閱則此書疑亦嚴君未定之本耳嚴君輯校古書佚書不下六七十種除借刻他氏外餘俱未刊其目悉詳所著鐵橋漫稿中荅徐星伯同年書後其最著者為原本北堂書鈔五十五卷余訪求十餘年未獲此書傳鈔亦鮮亟錄存之以著四錄之梗槩他日有得是書而刊行者非獨嚴君知己其亦郭氏之功臣也乎長沙葉德輝書于都門長沙郡館

長沙歐陽熙繕刊

嚴氏輯全晉文中有此二種今粵東已刊出矣取校此本頗有異同而以此本為勝粵本犀贊一首各從其舊此獨山海經與爾雅互易按語亦詳略不同援引各書又多不合則此為定本無疑讀此幸分別觀之乙未中春花朝日郎園主人用跋

明園主人再跋

華公以贖子一書中書以贖日

二名不合限以贖定本無錄贖

之易於贖之難不同難日各書

各錄其書九錄之難與爾難

所以本本為湖粵本界贊一首

東山以出未現錄本本與本同

難內難全晉文中首九二難今粵

4年10月



